

ESTRARA RAPORTO PRI 1949.

La provizora estraro konsistis el: C. Stop-Bowitz, Norvegujo, prezidanto; G. F. Makkink, Nederlando, kaj E. D. Durrant, Britujo, vicprezidantoj; S. Alexandersson, Svedujo, sekretario kaj kasisto.

Delegitoj. Je la fino de la jaro ISAE havis delegitojn en 20 landoj, nome: Argentino, Aŭstrujo, Brazilo, Britujo, Bulgarujo, Ĉeĥoslovakujo, Danujo, Finnlando, Francujo, Germanujo, Hispanujo, Italujo, Japanujo, Jugoslavujo, Nederlando, Norvegujo, Novzelando, Polujo, Svedujo, Usono. Krome ISAE havis peranton en Belgujo.

Komitatanoj, elektitaj de la membroj en la diversaj landoj por la periodo 1950—1952 estas: H. Sirk Aŭstrujo, E. D. Durrant, A. A. M. Whitehead kaj K. G. Young Britujo, M. Fréchet Francujo, M. J. de Lange, G. F. Makkink kaj W. P. Roelofs Nederlando, C. Stop-Bowitz Norvegujo, J. Toczyski Polujo, S. Alexandersson Svedujo, F. Belinfante Usono.

Membraro je la fino de la jaro: Algerio 1, Argentino 2, Aŭstralio 1, Aŭstrujo 20, Belgujo 3, Brazilo 10, Britujo 104, Bulgarujo 7, Ĉeĥoslovakujo 9, Danujo 12, Finnlando 13, Francujo 47, Germanujo (definitiva nombro mankas), Hispanujo 3, Indonezio 1, Italujo 1, Izraelo 1, Japanujo 9, Jugoslavujo 4, Maroko 1, Meksikio 3, Nederlando 70, Norvegujo 11, Novzelando 1, Polujo 6, Svedujo 10, Usono 8 = sume 358 membroj en 27 landoj (membroj en Germanujo ne enkalkulitaj).

La kotizo estis por aktiva membro kun Scienca Revuo 10 anglaj ŝilingoj, kaj por aprobanto sen Scienca Revuo 2 ŝilingoj. La naciaj societoj en Britujo kaj Nederlando havis specialajn kotizojn.

Scienca Revuo, oficiala organo de ISAE, aperis per sia unua volumo, kiu konsistis el 4 kajeroj kun entute 160 paĝoj. Ĝi estas eldonata de s-ro J. Muusses, Purmerend, Nederlando, kaj redaktata de s-ro W. P. Roelofs, Soest, Nederlando. La enhavo estis originalaj artikoloj kaj tradukoj pri la plej diversaj sciencaj temoj. Krome ĝi enhavis la oficialajn informojn de ISAE.

La statuto, akceptita de la kongresa kunveno en Malmö 1948, estis per referendumo aprobatata de la membroj. Venis 48 voĉoj por, neniuj kontraŭ, sed oni faris kelkajn rimarkigojn.

La kongresa kunveno okazis la 10 aŭgusto 1949 en Bournemouth, Britujo. S-ro E. D. Durrant, vicprezidanto de ISAE, prezidis, kaj ĉeestis pli ol 40 personoj. Krom la ordinaraj raportoj estis raportoj pri Unesco, pri kontakto kun ĝeneralaj sciencaj rondoj, pri vortaroj. Kelkaj landaj raportoj montris vigan vivon en la ISAE-rondoj. S-ro E. D. Durrant estas komisiito de ISAE pri Unesco-aferoj. La kunveno donis al li ankaŭ la komision esplori la staton de Esperanto ĉe la Internacia Elektroteknika Komitato, kiu preparas novan eldonon de sia Internacia Elektroteknika Vortaro.

La kunveno diskutis sekvajn temojn: kandidateco por prezidanteco, traduko de Universala Dekuma Klasado, labormetodoj de ISAE. Oni rekomendis ke profesoro M. Fréchet, Francujo, estu elektata prezidanto.

Laŭ propono de s-ro G. F. Makkink oni decidis ŝanĝi la artikolon 10 de la statuto, kiu temas pri Scienca Revuo. Tiu decido estis poste metata al referendumo inter la membroj kun findato 1 marto 1950.

Landa agado. En Britujo kaj Nederlando estas landaj sekcioj: Brita Esperanta Scienca Asocio (BESA) kaj Asocio de Nederlandaj Scienculoj Esperantistaj (ANSE). La brita sekcio eldonas la kvaronjaran bultenon Sciencaj Tekniko. La revuo Scienca Rondo, eldonata de la germana delegito, ĉesis favore al Scienca Revuo. En kelkaj landoj oni dissendis cirkulerojn al la membroj.

Kontakto kun aliaj organizoj ktp. ISAE aliĝis al UEA kiel kunlaboranta faka asocio. S-ro E. D. Durrant, vicprezidanto de ISAE, havis la komision rilati kun Unesco kaj faris viziton al ĝia oficejo en Parizo. Unesco eldonis raporton de d-ro J. E. Holmstrom pri interlingvaj fakvortaroj, kiu raporto estas sufiĉe favora al Esperanto. S-ro Durrant estis ankaŭ komisiita gardi niajn interesojn ĉe Internacia Elektroteknika Komitato, kiu intencas elabori novan eldonon de sia elektroteknika vortaro. Scienca Biblioteko, Scienca Muzeo, Londono, petis kaj ricevas daŭre nian revuon. Ni interkonsentis pri interŝanĝo de revuoj kun Intermédiaire des Recherches Mathématiques, Parizo.

Spezoj 1949.

Ĝenspezoj	sv.kr.	Elspezoj	sv.kr.
115 kotizoj kun SR	778.26	Al Muusses	766.86
214 kotizoj sen SR	102.71	Afranko	114.08
7 abonoj	47.58	Papero	19.31
Diversaj enspezoj	1.50	Presadoj	45.68
Pruntita de Alexandersson	23.38	Diversaj elspezoj	7.50
Sume sv.kr. 953.43		Sume sv.kr. 953.43	

Bilanco 31.12.1949.

Ŝuldoj	sv.kr.	Bonhavoj	sv.kr.
Alexandersson 1.1.1949	56.00	Muusses	123.87
Alexandersson 31.12.1949	23.38		
Kapitalo	44.49		
Sume sv.kr. 123.87		Sume sv.kr. 123.87	

Krome ISAE havas bonhavan ĉe kelkaj delegitoj de sume ĉ. 400 sv.kr., inkluzive abonkotizojn, sed tiu sumo ne estas kunprenita en la kalkuloj.

C. Stop-Bowitz G. F. Makkink E. D. Durrant S. Alexandersson
prezidanto 1a vicprezidanto 2a vicprezidanto sekretario

061.22 ISAE

ISAE-INFOJMOJ.

28. **Statutŝanĝo.** Laŭ propono de d-ro G. F. Makkink la kongresa kunveno 1949 decidis ŝanĝi la artikolon 10 de la statuto. Dum la poste aranĝita referendumo 24 membroj voĉdonis por la ŝanĝo, neniuj kontraŭ. La artikolo 10 de la statuto do nun tekstas:

„La organo de la Asocio estas „Scienca Revuo“, sendependa organo eldonata sub supervido de komitato de tri personoj: la redaktoro, unu reprezentanta sub supervido de komitato de tri personoj: la redaktoro, unu reprezentanta de la estraro de ISAE, kaj unu reprezentanta de la eldonisto. La redaktoro estas nomata de la estraro de ISAE interkonsente kun la eldonisto.“